

**ORATIO BALDI
CATANEI IN
FUNERE SISTI 5.
PONT. MAX.
HABITA ROMA IN...**

Baldo Cattani



GRATIA
IN PRAESENTIA
HABITANT
IN PRAESENTIA
HABITANT

IN PRAESENTIA
HABITANT
IN PRAESENTIA
HABITANT



IN PRAESENTIA
HABITANT

IN PRAESENTIA
HABITANT

ORATIO. BALDI. CATANEI

in funere Sisti V. Pont. Max.



BIIT diem suū, imo verò christiani orbis, qui eo cadente penè cecidit totus, extremum diē obiit Sistus Quintus sanctissimus idē, ac omni virtutū genere Pontifex summus: in cuius funere luctuoso cū eius vitam apud vos Patres Amplissimi, laudibus de more sim prosequuturus, in tam magna præclarissimarum rerum silua, in hoc celeberrimo, ac totius Christianæ Reipublicæ augustissimo concessu (quæ duo maxime à dicendo deterrent) ingenioli mei cognita iam, satisq; vobis perspecta imbecillitas animum facit, & dati temporis angustia, quæ si quid dicentē deficiet (scio deficient multa) me apud vos excusatum testantur, mentem recreant, excusant vires, & ad dicendum non hortantur modo, sed impellunt quam maxime. Vnum illud fortasse me à proposito diuellere posset, quod eum apud vos laudo, qui vel aliquot vestrum suffragijs Pontifex est subrogatus, vel vestrum aliquos ad istam adeo insignem dignitatem sua auctoritate, vestrisq; meritis prudens euexit: nam probatum illorum, sincerumq; iudicium, horum virtutes & re ipsa declaratā excellentiam, quasi lateant, aperire velle; vos omnes apud vosmet laudibus efferre; vestrum omnium (vt ita dicam) fauciare modestiam, in me, quod tanta sim ausus, superbiæ crimen transferre; & impudentis animi vitio ferè videor, laborare. Verum cum mecum ipse mente peruoluo susceptam hanc grauem dicendi prouinciam inter tot doctissimos viros, & in hac vrbe totius orbis terrarum frequenti theatro, mihi vni à vobis fuisse demandatam, ad tantum obeundum munus securus accedo; non quod mihi plus deferam, quam debeo: sed ne de vestro iudicio, qui me elegistis, deq; vestra prudentia minimum quidem me detracturum suspicemini. Dicam igitur de laudibus Sisti Quinti Pontificis Maximi, & ita dicam, vt singulas minime persequi, sed illarum nonnullas (quis enim omnes?) coaceruare contendam. Et ecce prima sese ob oculos ponit illustris illa claris nominis gloria, non à patria, non à generis nobilitate, non ab opibus, ceterisq; eiusmodi rebus quasi mutuo accepta, sed suis parta, & propagata virtutibus. Quamquam enim illa (patria inquam, & genus) non ita fuere obscura, vt obscuro cuique lucem aliquam asferre minime valuerint, ipse tamen adeò à se ipso resplenduit, vt hæc minora lumina à maiore perstricta fugata penitus, & ferè extincta sint visa. Ab opibus verò, & alijs, quæ vocant fortunæ bonis, inanem sibi gloriā captare non

olùm operæpretium non esse duxit, verùm ea omnia sùcpendenda, & sepe verbis, & semper vitæ instituto apertè declarauit. Homo nempe christianus, atque ethnicorum dogmata aduersatus, quod Deo in vitæ ingressu dum baptizaretur pollicitus est, pompas scilicet, & vanas osurũ diuitias, dum ageret in humanis vsque ad vitæ exitum pro dignitate seruauit. Vix dum enim infantie limina egressus, in Sancti Francisci sodalitatẽ nomen dedit, quod sine diuino, & numine, & nutu fecisse minime est credendum. Nam in illa ætate, quæ in primo vitæ huius exordio nullius rei periculum faciens, nullis edocta experimētis, quid deceat, quid uide de deceat videre nõ potest, puerulum vnum reperiri, qui ferè ab vberibus ad labores, ab incunabulis ad vigilias, à crepundijs ad cilicia, à matris amplexibus ad solitudinem, à comodis corporis sciens, ac uolens currat ad incomoda, & id certè non ob aliam causam, quam ut terrenis post habitis affectet celestia, seq; ipso in terris, & apud homines neglecto, se tandem in cælo inter illas beatas mentes, & apud Deum lucretur & ornet, hoc non humanis uiribus, sed diuinis, non humano consilio, sed spiritui sancto tribuendum existimo. Id totum Sisto Quinto diuinitus contigit dum esset puer. Monasticam enim, & asperam sectatus uiuendi nam Christi Domini uestigijs insistere, & Sanctum Franciscum, quem sibi eius uix ducem elegit, pro uiribus conatus est imitari. In huiusmodi autem uitæ cursu, in quo plerosque sui ordinis uiros præcucurrit, nõnullos uerò, & eos quidem uelociores est assequutus, ad eam morum, & doctrinæ metam peruenit, ut inter suos sodales in præcipuis Italiæ Gymnasijs alios doceret: & florentissimas urbes, non sine discrimine suæ uitæ hæretica prauitate purgaret, cum à Summo Pontifice in hæreticos homines sibi esset facta inquirendi potestas. Hinc nullis laboribus pro Ecclesiæ Dei defatigandus negotiorum socius cum Vgone Cardinali Boncompagno mittitur in Hispaniam: cù eo scilicet Vgone, qui postea Summus Pontifex est creatus, Gregorius nempe eius nominis decimus tertius, otius memoriam nulla vnquam tacebit ætas, vt ex socio socium, ex Pontifice Pontificem, cognoscere liceat. Omnibus uerò in rebus, quamuis difficillimis, ita se gessit, vt absens adhuc, & multis reluctanti bus (quod est inuidorum) vniuersæ Franciscanæ sodalitati præficeretur, nec multò post à Pio Quinto Pontifice Maximo Sanctæ Agathæ Episcopus crearetur. Tunc dignitas virum, qui diu latuerat cœpit ostendere: talis enim suarum virtutum specimen dedit, vt non dignitas viro, sed vir dignitati fuerit ornamētò. Ardua; & grauissima de religione negotia obijebens, integerrimuscq; confecit: nullum non pertulit laborem, quo peruehitur ad immortalitatem: ea omnia demum cōstanti passus est animo, quibus declararet apertè nullam quamuis maximam dignitatẽ suam merita exequaturam. Hunc tantum virum assiduo laborum, & studiorum igne

igne purgatum, & probatum septies, regiam meritū diadema, inter vos Amplissimi Patres, qui reges estis, connumerari voluit Pius Quintus Pontifex Optimus, atque Beatissimus. At Deus immortalis quod nam Pontifice Cardinalis est renunciatus? eo certe Pontifice, cuius vitæ integritatem exteræ etiam nationes sunt admiratæ, cuius morum sanctitatē Barbari etiam populi sunt venerati, cuius diuinum robur, & armæ omnes Catholicæ religionis, & Christiani nominis hostes fracti iam & deuicti pertinuerunt. Testis Gallia hæreticorum sanguine perfusa. Testis Aegæum mare exæstiuans Turearum cadaveribus plenum, & eius littora sanguineis vndis infecta. Testis vniversus hic orbis, qui se Deo charum tunc affirmavit, cum tanto Pontifice dignatus, tunc Deum indignatum doluit, cum tam bono patre fuit orbatus. Vt hinc facillimo intelligeremus negotio Sistum Pontificem maximè probatum fuisse virum, quia maximè ab omnium probatissimo probaretur: idq; ipsemet apertè tunc est testatus, cum vestra ista pròpè suprema dignitate decoratus nihil aliud antiquius, & in primis habuit, quam ut Christianam religionem, & pietatem, quoad eius rei fieri posset, re, verbis, & scripto tueretur, ac propagaret. Docet hoc Firmum agri Piceni ciuitas nobilissima, cuius ipse Episcopus factus, & sua doctrina eam optimis imbuat præceptis, & sui exemplo moribus eam purgatis instituit. Docēs tu Roma ciuitatū omnium mater, & domina, quæ omnibus testatum voles, te quoties cum vidisti, toties eius admiratam fuisse virtutes. In te epim maturo consilio prudens, ac diligens de Christiana Republica summa tractauit negotia. Si verò interdum à negotijs fuerat feriandum, & licito fruendum otio, sese in villulam, quæ est inter vrbis recessus conferre solebat, atque sine arbitris in celebri illa solitudine sedens, ac tacens, se supra se eleuare, & in otio negotiosus, nunquam minus solus, quam cum esset solus viuere consueuerat. Ne mihi quæso vitio date Patres Optimi, si propero, quando esset insistendum, siquæ vobis delineata solum, & quasi penicillo inuoluta ea propono, quæ forent pingenda, & explicanda ad vnguem; nam ad finem orationis propero: neque huiusmodi res gestæ vllō indigent apud vos ornamento, cum in vestra omnium memoria sedeant ornatissimæ. Venio igitur ad Sisti Quinti Pontificatum, qui magno Vrbis, & Orbis applausu me ad se vocare videtur. Crescebat in dies, ac tota penè grassabatur Italia prædonum, & sicariorum pestis insolita, atque loca ita inuaserat omnia, vt nullus hominum ordo, nulla conditio ab internecione, & rapinis secūra reperiretur, nisi eorum, qui vel prædones, & sicarij essent, vel eiusmodi monstrosos bestijs fauerent, atque auxiliarentur. Sequiorem, ac formidabiliorem hanc pestem reddebat annonæ caritas, quæ eo tempore vigeat non parua: quare omnia metu, squallore, gemitibus plena. Cū subito suadente Spiritu Sancto per vos, sanctissima Procerū cohors,

Sistus

498
Sistus Quintus in Summum Pontificem datur Ecclesiæ Dei, qui periclitantibus Christianis rebus opem ferat; impios, & nefarios deturbet homines; annuæ uilitatem reportet; Christi tandem oues pascant, nec se ab ouibus pasci permittat. Factum ut erat in uoto. Nam ut primum Pontifex est declaratus, singula statim fugata sunt mala; diesq; clarior Ecclesiæ Dei visus est illuxisse. Ipse uero ut erat uir sapientissimus, graue sentiens Pontificatus onus, & à nullo portandum, nisi eiusmodi oneri manus submittat Deus, ut diuinum in hac re sibi præsto haberet auxilium, publicas in Vrbe indicit supplicationes (quod in grauioribus rebus semper etiam fecit) & spe ueniæ peccatorum omnium omnes inuitat populos, ut à Deo summis contendant precibus, ipsumq; enixe, & toto animi orent affectu, ut Sistum Quintum Pontificem suum tanto onere ex parte leuare uelit; utq; sui Pastoris gressus dirigat in uiam salutis æternæ: sic enim futurum, ut res facilius, integriusq; tractentur, & Christianæ oues in Christi Domini caulas recta ducantur. His omnibus pio, & catholico ritu peractis, statim alacer manum ad aratrum apposuit, neque unquam retrò respexit, ut ad regnum Dei se aptum profiteretur. Tunc omnia pacata, purgata omnia, omnia uidimus tuta. Hæc ciuitas orbis regina magnificentissimis cœpta est exornari ædificijs: uix per urbem, & strata sunt, & aperta: felicibus aquis summi inundati colles longo ductu in urbem deriuatis; ingentis magnitudinis profani lapides expiati, quos alter Iacob erexit in titulum, ac salutifera superposita Cruce Deo sacrauit: duæ proceræ immensitatis columnæ, quas miro artificio ædificatas, & insculptas, alteram Antonino, Traiano alteram dicauit antiquitas, collabentes iam, & uetustate corrosæ per ipsum restructæ, ac Apostolorum Principibus eorum æneis inauratis imaginibus positis consecratæ: delubra sanctissimis constructa religionibus: Pontifices duo marmoreis, & sumptuosis cohonestati sepulchris, nouæ paratæ classes: noui Tyberi pontes impo-
siti: nouæ fundatæ Ecclesiæ: tholus orbis miraculū ad hanc Sancti Petri Basilicā perfectus: hæc & similia mira quadā celeritate, & spectantiū admiratione ad finē usq; perducta: ut nullus omnino insignis sit in urbe lapis, qui Sisti nomen in fronte non gerat incisum; nullum in lapidibus Sisti nomen, quod urbis decus, & ornamentum non patefaciat. Sanctius præterea, & ad ultimos casus seruandum ærarium constituit pecuniosum. Verum enim uero hæc, & alia huiusmodi multa, quæ omnis uidebit ætas, & quæ Pontifex cum alijs Christianis Principibus potest habere cōmunia, consulto sunt relinquenda, & ad ea deueniendum quæ sibi ipsum magis peculiaria habuisse, uel certè cum paucis communicasse cōperimus. Spectata primum in ipso morum, & uitæ integritas malis formidabilior, bonis uero amabiliorem: utrisque tamen inconcussa animi fortitudo reddidit admirabiliorem. Nullæ eum preces, nulli metus à recto unquā proposito

proposito, & ab Ecclesiastica libertate tuenda, vel minimum flectere, vel tantillum dimouere potuerunt. Et zelo domus Dei inflammatus, ac pene exesus cuncta, quæ de christiana re cogitauit, cuncta, quæ est molitus, quæve exequenda mandauit, in Dei, & Catholicæ religionis honorem perficere pro viribus est conatus. Intelligens verò cor Regis esse in manu Dei, in turbulentissimis Ecclesiæ temporibus Deum imitatus modo ad seueritatem, modo sese vertit ad lenitatem; ut, si fieri posset, blanditijs alios alliceret, alios autem pœna perterrefaceret. Publica item, & priuata sic gessit negotia; ut optimum Ecclesiæ Principem, ac prouidentem patrem familias præ se ipse tulerit. Rerum experientia, ingenij acumine, ac doctrinæ excellentia sic polluit, ut nihil non uiderit, nihil non percepisset, nihil non intellexerit. Quare siquid agendum nihil ipse nouum suspicabatur: siquid dicendum, id omne prudentia, & sapientia aspersum ex ipso audiebatur. Profusam eius liberalitatem scientiæ omnes, & virtutes sensere, testis Firmum, testis Bononia, testis est etiam Roma: in illo namque publicum ad docendum apertum est gymnasium, in his verò priuata ad discendum instituta sunt collegia. Imo hoc idem egestas ipsa testatur, quæ nulla explenda liberalitate, Sisti munificetia est satiata. Egenis enim hospitium in vrbe grande est ædificatum, & publici cõstituti census quibus ali, vestiriq; dum viuunt, commode possent. Eximiam verò animi magnitudinem nonnulla oppida ciuitatis nomine, & priuilegijs ab ipso donata, atque amplificata testantur: imo maxima ex parte vos ipsi hanc eandem estis experti. Sed quid oppida, quid uos cito Patres integerrimi? quos licet huius rei locupletes, & classicios haberem testes: calū tamen ipsum, eiusdem rei, & testem, & prædicatorem habebō. Sensit enim hoc inter suos ciues quosdam in sanctorum numerum per Sistum Quintum fuisse relatos: quosdam Ecclesiæ Doctores pronunciatos: nonnullorum scripta librariorum incuria deprauata ad pristinam restituta integritatem; sacra plurimorum semisepulta monumenta in lucem data: præclara multorum seruata volumina: sanctis tandem mentibus in beatissimis illis regionibus, catholico cetui inter mortales, eius opera, vestroq; consilio, ut in Tridentina Synodo fuerat sancitū, Sacrosanctas Bibliorū paginas ad vulgatā redditas æditionē. Hinc Vaticanæ Typographiæ, hinc Vaticanæ maximo sumptu, atq; ornatu positæ Bibliothecæ. Utq; pietas magnanimitati sese adderet comes; Deiparæ Virginis, nonnullorumq; sanctorum templa Pontificijs Missarum sacrificijs statutus anni diebus condecorauit. Ex hoc tam magno rerum exordio maiorā à tanto Pontifice erant expectanda, & maiora patrasset quidem, nisi mors eius inuidens im mortalitati, quasi eum furata nimis immature nobis abripuisset. Incidit enim in febrem Pontifex Optimus, & quamuis ætate, morbo, laboribus fessus, renuentibus etiam medicis stetit per multos dies, quieuit nunquā,

Principum

762
Principum, & Reipublicæ negotia semper tractatur. Immo verò si vel me-
dicus, vel suorum aliquis ad necessariam hortabatur quietem, relinquitur
ille, & huiusmodi verbis Sisto Pontifice dignis eoque quodam modò
redarguebat. Decet (ait) huiusmodi principem vinum stantem mori, non
quiescentem. Oh præclarum præclarissimi viri dictum. Oh consistra-
dam æternitati sententiam. Quis bone Pastor, te appello Siste. Quisne,
quis te audito sic loquente dubitabit unquam, vel hæsitabit libero asse-
mare te omni omnium laudum genere cumulate dignum fuisse, si quis tibi
dixerit in teterrimo huius vitæ carcere tuas laudes tanguam speculam
posteris futuras Pontificibus, quæ lumen, quod sequantur ostendant
quod enim verbis significasti, id re ipsa comprobavisti. Stetisti igitur
Siste, & ita stetisti, ut nulli Ecclesiæ hostes sedentes, nullæ quamvis to-
thales corporis egritudines incedentem, nullæ animi perturbationes offen-
derint deficientem. Stetisti Siste, & ita stetisti, ut vel quasi ad cælum eue-
laturus, vel quasi miseris opem daturus, vel quasi pro Christo videretur
dimicaturus. Stetisti Siste, & tandiu stetisti, quandiu vixisti, nullam un-
quam præter mortemactus quietem: nam ubi primum Dei vox, quæ
(ut pie credimus) te ad cælum uocavit, tuas insonuit aures, statim non
quasi laborem recusans, sed quasi de labore præmium sperans, dicto obe-
diens Christiano more te comparasti, & vitam cum morte, hinc est vigi-
lias cum quiete, terras cum cælo, cum immortalitate commutasti mor-
talitatem. Quare non tua, sed nostra potius lugenda est conditio; tu enim
nobis periclitantibus in portu nauigas; & eo usque est lugenda, quousque
vestra opera Patres Amplissimi, luctus; hic vertetur in gaudium. Agito
ergo, precamur omnes, obtestamurq; ea, quæ soletis, maturitate, christia-
no gregi Pastorem, Dei Ecclesiæ reddite Pontificem; quem non nisi opti-
mum futurum pro comperto habemus, cum ex vobis vnus necessario sit
subrogandus. Dixi.

Laus Deo, Optimo Maximo.

